


道光十九年新年鐫

黔筑周石藩著

海陵從政錄

家蔭堂藏板



官箴書集成 海陵從政錄

海陵從政錄目錄

上河道憲興化水利稟

請隨時開放攔江壩以全下河七州縣稟

附圖

戒招搖撞騙示

勸民十約

捐助文正書院修脯示

諭書院諸生

申諭諸生

與諸生講學隨筆

目錄

申勸諸生

丁酉科捐廉備獎示期決科示

己亥鄉試捐助卷費川資示

勸紡織

招習紡織

諭代書條約

嚴禁搭臺詭詐

嚴禁棍徒詭擾

諭傳差人役

戒書差著侈示

諭禁卒

嚴禁賭博

嚴禁婦女塗鬪示

申諭婦女

嚴禁婦女宿廟燒香示

禁止佛事道場示

諭禁僧尼

嚴禁焰口示

目錄

二

嚴禁高裝

籌備盜賊

蚘蜻廟倡修序

重葺

聖廟記

文昌閣增修記

文昌宮改建記

移置節孝祠記

毀淫祠示

嚴禁吸食鴉片煙示

嚴禁與販鴉片煙開館誘食示

嚴切諭繳煙土煙具示

嚴禁書差吸食鴉片及包庇隱漏檄

頒發摘錄鴉片煙新例稟

諭書差並給鴉片煙新例示

諭各鄉保並給鴉片煙新例示

附謹摘議禁鴉片煙新例二十條

嚴禁販米出境並酌定市價示

目錄

三

改復陳公祠記

請隨時開放攔江壩以全下河七州縣稟

伏查自黃河徙奪淮流河強淮弱不能并流歸海全淮之水匯注
洪澤湖者不得不開高堰河壩歸高寶等湖導之入江一縷漕隄
邊障東注以保下河州縣危乎危矣入江之口岸自金灣新舊關
而南則東西灣鳳凰橋壁虎橋灣頭關人字河芒稻河等處前河
督憲張以上游之來源寬於入江之去委量源度委奏起芒稻七
關磯心開瓦管舖新河使去委與來源相當疏通宣暢必來源甚
旺去委全開猶屬宣洩不及萬不得已乃開高郵以南之五里壩
新壩草壩車邏昭關等壩東注下河歸海但各壩開放水性盈科

海陵從政錄

三

而進必先灌滿下河民田積阻於民窳分界之范隄乃由興化東
臺兩邑之丁溪草堰白駒劉莊四關受水東注歸關龍港入海其
在鹽城者則東門之石磯關北門之天妃關皆歸新洋港上岡鎮
之關入野潮洋其在阜甞者則南門外之大關歸通洋港野潮洋
淺窄不足以資宣洩其三港受水計關祇十有八座金門僅六七
十丈而入海之程皆約三百餘里郵南五壩迤邐二百四十丈每
開一壩皆懸流下注高八九尺不等以二百餘丈懸流下注之水
歸六七十丈曲折繁迴之港又三百餘里始得入海焉能宣洩得
及故每開五壩下河州縣必被淹漫即泰州分司所轄北五場壩


亦皆被淹歷年有民賑卽有龍賑有案可稽又興邑地當水衝形
同釜底受西南北三面之水惟東路可通於海而地形偏高范隄
內東又成側釜之勢故興之受慮尤深且久承前河憲張大開歸
江之路故湖水消洩較速非入江各口全開之後不輕開下壩其
入江之口惟人字河宣洩最靈向為蓄水運鹽故於人字河口芒
稻河之上游築壩卽所謂攔江壩者特以蓄資載運此鹽務持議
不肯輕開也其不欲開者恐壩開溜急牽挽稍艱後經河道憲議
以邵伯鎮運河三溝關之誌水至一丈二尺於鹽運無礙卽先開
攔江壩上年水已過誌前府劉勘明卽據應開情形通稟將壩土

海陵從政錄

四

盡行啟除水無壅遏是以下壩未開下河州縣皆獲全收今年水
亦過誌府縣稟請開放未奉回批壩自潰決下河又獲全收上年
九月並據劉府將開壩之後與鹽運毫無窒礙等情稟請督憲
林照三溝關水一丈二尺之定誌卽由府會揚糧廳啟放不必稟
請多延時日致有壅遏如稟批准飭司道議覆督憲陶回任批詳
俟揚州運河長生菴誌水至五尺以外府廳飛稟請辦理不得
徑開等因在案夫既經稟請往返必十數日乃奉批回此十數日
間來源既旺去委未通已成迫不及待之勢如是則必開放下壩
下壩一開不但七州縣被淹獨免賑卹卽五場壩亦被淹待賑於


西水內
灌裏河
被災圍
湖水盛
漲不閉
宜波不
及勢必
放五入
壩灌入
裏河水
性益科
後進而
與邑尤
極卑下
必田廬
湫滿方



海陵從政錄
合肅真閣圖附後

民大害於甃亦殊有損至鹽務所慮壩開潘急難以牽挽者不過十四里牽挽之費所用幾何以較下河七邑賦課田慮億百萬生靈之命其輕重利害豈有彰明較著者也職分居司牧不忍膜視謹據衆情上稟並將五壩一開下河各邑被水淹沒情形繪圖呈覽仰懇大人俯察全局軫念民依嗣後請如前署督林謙高堰壩開邵伯運河水至三溝關一丈二尺之誌卽由府會廳將人字河攔江壩啟放不必稟請轉轉多延時日致有滿溢淹沒之虞似於國賦民命兩有裨益如蒙允準卽飭邊泐石以垂永遠恩味之見

到海門
每至數
月不退
四野民
居概沈
巨浸河
路迷沒
更無逃
處即勉
亦無居
亦無衣
無食東
手待盡
而已



海陵從政錄

圖說

謀大者不及小計全者不及偏此智者之用也流離之狀不觸於目則不覺呼號之聲不入於耳則不知此仁者之術也興邑於全省一隅之隅偶有災傷亦第如一人之身一節之疾病又僻在極僻號呼難達即達矣並有語言文字所莫能狀者噫宜乎智者之或遺而仁者之不能盡知乎有以發之而目之所觸恍乎耳有所聞斯仁智之心於是得所用焉已石藩並記

戒招搖撞騙示

竊維士以廉隅為貴官以清慎為先未有有志礪節而行同市儈者也本縣家道奇窮而此志不敢少易誠謂讀古人書所學何事儻被不韙之名致抱歎於釜影上無以對父母下更無以式子孫自問何人能無恐懼况暮夜之金尤為儒者所恥向曾有句云黑夜有人持白鏹蒼生何處見青天本志如是是以十年輝縣兩神清風不特可以自信亦可以有以共信者矣春仲來宰興陽秉性確確斷不改弦易轍所以聽訟必於大堂者俾庶民共見以示清白之心也猶恐與民未信或容有不盡知我者此中招搖撞騙正未

海陵從政錄

七

可必將使我受貪墨之名其害猶淺而使鄉民受身家之累其害實深為此徧諭紳民人等知悉嗣後雀角鼠牙可已則已不得已而與訟是非曲直本縣自定權衡旁人不得稍參未議雖不敢謂事事確當人心而胸中獨斷決無所謂先入之言爾等幸勿誤聽人欺私相屬託致墮招搖撞騙之謀庶幾我得其名而爾輩亦不至於受累不然者力求爭勝輒至傾家自干與受之科徒飽奸究之腹身罹重典悔不可追本縣執法甚嚴斷不從寬姑貸也稟之積之毋違特示

勸民十約

為剴切曉諭事本縣蒞任兩月查勘士習備詢民風雖未周知已悉大概力學敦行之士原不乏人其或迫於貧窮激於意氣遂致不檢於制行者有之耕田鑿井之民本樂無事其或輕於聽信徃於鄉愚遂致不安於本分者有之爾民各具心知豈其終無悔悟本縣任父母斯人之責喜與更始更樂與圖終此後或讀或耕羣相勸勉日趨於善勿離於刑是所切屬其有急不能變之頑民與其刑之使懼不若導之使明因疑為十約徧諭鄉城有則改之無則加勉本縣有厚望焉爰列其目於左

海陵從政錄

八

一男子不可無執業種見街坊鎮市游手者多此輩或習技藝或力傭工年華方盛何事不可為乃甘心浪蕩好懶偷閒瑣尾流離勢不至為盜賊不止今與爾輩約急須改換心腸力圖操作切勿自甘頹惰即於匪彝本縣不忍不教而誅然教而不改亦不能為爾等寬也稟之
一女子之職以紡織為功本縣蒞輝十載勸桑課織至今率有成效乃觀此地婦女半屬寬閒或倚門觀望徒耗日時或甘學滯首竟忘羞恥此等惡習風化攸關今與爾輩約與其偷安而受困何如急起而有功務望每一家各置紡車一架五家共置機床一架

買棉紡線費少功多不惟可以束身心亦可以資衣食尙何至於朝夕不給甚至流爲娼妓而不悔也此事責成鄉保挨門勸諭如謂本邑尙不習此本縣現已捐廉設局置辦車床延聘女師爲之教習除另示曉諭外爾等萬勿觀望再蹈前習爲勸

一獄訟之興原爲必不得已之事男子爲之尙滋拖累乃更使婦女出頭相習成風恬不知恥其意恃婦逞刁希圖濫賴甚至鄉里中偶有口角輒率婦女塗鬧以爲莫之敢擾此種惡風斷不可長今與爾輩約嗣後再有婦人具控而丈夫作抱告者先責丈夫有老婦具控而其子作抱告者先責其子更有聚黨成羣囑噪與俗調吵

海陵從政錄

九

開爲 囑噪構禍者卽按律重懲之本縣言出法隨決不姑貸善鄉保傳諭各村鎮知之毋忽

一糾眾滋事例載三人以上者卽從重治罪最嚴也乃此地動輒聚眾或私行抄搶或恃眾把持此風一長何所不至卽如鄉鎮中惡棍殃民儘可令鄉保出首送官懲治或身受者自行具控本縣以除暴安良爲務果有劣迹斷不姑容亦斷不因人衆而遷就也今與爾輩約嗣後如再有聚眾抄毀及聯名呈控挾制官長者定當按律究辦不貸

一此地鄉民皆聚族而居多至數百家少亦數十家不等如果協

力同心守望相助何至盜賊之來如入無人之境也今與爾輩約既居同里必敦親睦每十家爲一聯聯有長擇其精悍者爲之五十家爲一團團有總擇其持重老成者主之出具緩鋤入資捍衛倘有賊至羣起而捉之將見水環四面人集四圍賊何逃之有否則祇知爲己雖害及鄰家而不顧安知其不遂及於己也至被賊而後鳴官遲之又久賊已遠颺縱或獲案而失物已不能瓦全矣此事責成鄉保各就庄村公議務須實力奉行切莫空言了事

海陵從政錄

十

一置田房產業酌其多寡貴賤之數請憑中證議價若干立契爲定何容更有加補之理乃聞此處情形除正價之外又有加補且有三次加補殊出情理之外尤可笑者業未到手便豫支加補三次更爲耳目所未經雖鄉俗使然抑亦人心之不公也今與爾輩約嗣後凡有置產者該價若干願買者買願賣者賣立契之後毋得肆行滋擾不惟可以息爭訟亦可以敦信行並望士大夫中深明事理者互相開導務使此風轉移不可扭於故習自貽苦惱也如竟不遵本縣照例核斷加之答朴其毋悔

一此地多水難以種樹固矣然村落之中圩田之壤如肯種樹則材木之需薪燎之用皆可取資卽圩隄亦增強固胡爲平原一望空闊無林殊非資生之道今與爾輩約以戊戌之春爲始有田者

隄上各種柳樹有室者室旁各栽雜樹十年之後落實取材其利不小予於輝縣行之今皆得其利矣爾農民其敬誌之

一江蘇半貧蠶桑之利獨興化未之見也蓋飼蠶必先種桑孟子曰樹牆下以桑則老者可以衣帛可知種桑不必擇地而於卑溼之鄉尤易栽培蓋不資乎灌溉之煩也且有宅即有牆牆下樹桑無須廣土爾輩不得其利故婦女安閒生計日細現在蘇松之俗每年收利若干即溧陽小邑亦絲價以數萬計豈未聞之耶今與爾輩約以戊戌之春為始廣購桑枝而徧插之數年之後女紅聿興安知不媲美江南也其各留意勿忽

海陵從政錄

十一

一喪葬宜稱家之有無諺云亡人得土如得金誠以人死為歸歸而藏之以免尸變且防水火之災最是急務乃或徃於積習有經數十年而不葬者其意恐薄待其親而不知忍心暴露尤其薄之甚者也今與爾輩約有餘之家何嫌厚葬但須速辦為宜即貧無所資第求斂手足形亦非難事孔子曰旋葬而窆人豈非之是亦可以了然矣况久而不葬法律難容毋懼耶

一佛事之設所以愚弄平民以恣貪惡也此邦佞佛者多而所謂佛者僧而已矣是以禿廝焰熾藉以漁利而愚民日受窮迫而不知夫佛教之荒唐亦習而不察爾試問長年奉佛有何好處既不

獲益則亦可廢然返矣夫士敦孝友民重義倫即此便是為善若第施舍萬錢以事虛無之佛法而身家不顧叛道離經反曰善事其悖謬為何如耶今與爾輩約有用之錢不必置之無用之地儻果有餘即以厚宗族而賑婦孺庶幾正教可崇而邪說自斂向其猛省之

海陵從政錄

十二

捐助文正書院修脯示

書院之設為

國家儲材為諸生肄業資文藝以徵器識培士氣以厚民風為政之經莫大於此本縣前宰共城獨捐廉俸改創書院實心實力教養十年遂覺人文日進風俗日淳秋試春闈科第不絕可見道德自在人心忠信不遺十室惟是風塵俗吏亦既笑為迂圖即在明健有司亦復視為文具因之振作無人遂令進修無路本縣甫泚此邦卷查城中文正書院條款雖詳經費不足若不急為捐助何以鼓舞士心今查本院山長每年修金一百六十兩薪水制錢六

海陵從政錄

三

十千文向無支銷定款以至後先誘卸艱於延聘名師今本縣每年捐廉足紋二百兩以為山長修脯毫不開銷書院經費至生童膏火仍舊給發惟望諸生童體

朝廷作人之意知有司養士之心砥礪廉隅涵養學識蒸蒸日上以家修之業為

廷獻之資入則為善士為大儒出則為名相為純臣子亦與有榮施矣特諭

諭書院諸生

竊謂儒者之有意服所以別於庶民也考課之必點名所以稽夫頂冒也乃有司盛服而來又復齋心以待而諸生竟遲之又久而不至其至焉者大都具衣冠率以藝越從事是有可以敬諸生為心而諸生不能自敬以敬有司也夫敬者身世之本道德功名胥於一敬成之故自古以來未有心不敬而身可修身不修而業可就者也乃屢經勸諭而必不聽是豈故以倨侮之習與有司爭勝以為傲上張本耶抑或執政者德有可議行有可疑威儀有所不淑自啟夫侮慢之由耶若然則予當益加內省愈謹愈恭斷不

海陵從政錄

四

敢於矚目之場先開不敬之路也爾諸生讀書明理淑慎宜知苟非冥頑不靈當必稍存顧忌痛改前非以毋貽有司羞也

申諭諸生

從古崇重儒士特尊為衣冠之倫所以昭名實之相蓋而表裏之如一也今無論實之難副即外見之衣冠亦皆不能整飭是甘背乎士而顯出乎衣冠之倫矣且衣冠之設所以明敬本縣自履任以來雖尋常課試亦必整冠繡以與爾諸生相見是本縣之敬事即所以敬諸生也豈諸生而轉可不敬乎至不衫不履不修邊幅以及脫落形骸諸語世皆沿為美談不知此輩所稱或山林隱逸不得於時者之所為至若晉代清狂弊遺風俗論者尤為大憾今諸生遭遇

海陵從政錄

五

聖明列膠庠求進取又豈可藉口於此用再諄諄申諭務於此次諄諭之後必須各整衣冠無論布素一例修整由是因表以測裏形外以誠中浸浸乎蒸為圭璧之華而無負衣冠之目焉不亦休哉

與諸生講學隨筆

天地萬物即在上見天地自位也豈待人而後位萬物自育也豈待人而後育祇此一心之理通於天貫於物自是一氣相感故一念中和即一念位育一事中和即一事位育推而無一念不中和無一事不中和便無時無處而非位育矣若祇就事功上說則堯舜能之而孔子不能孔子能之而凡儒者皆不能也亦何貴乎存心養性乎故學以認心為主心外無理理外無天天外無人

歷來言儒術者講到極要處不過正心修身盡之心盡乎理身盡乎理理實則學為不虛若漫言博學口舌之功於身心何裨且舍

海陵從政錄

六

身心而言博學其能事不過一詞人一文人而止否則王荆公自誤而因以誤天下國家其失有甚於不學者矣學以明理乃是讀書人最切近事而理即在心上一身之彝倫日用隨處認理而行到得理順心安此身極是受用孔顏樂事何以加此

心者體也思者用也志意念慮皆思之所之有異名無異候也學貴慎思慎之於未思之前則易慎之於既思之後則難而其功在先明乎理理足則神完神完則氣靜故寂然不動感而遂通若理有未明則寂時似佛感時便莽欲之所引體用兩亡有何受用處故慎思之學先以明理為主

心性之學大學中庸兩篇至矣盡矣蔑以加矣孟子言心性周子作太極圖說易通早包括在學字中字裏許特詳言之俾學者易知之爾自後儒朱陸異同之辨起紛紛聚訟徒亂人意反開後學之旁門矣王子陽明倡爲良知之說原從真切處指點使人容易下手而詆之者不志其志不行其行徒以口舌辨心性實未嘗以力量見心性也夫性具於心盡心養性原無二理究其實皆以其身爲本身以內格致誠正必於身驗之身以外齊治均平皆於身始之賢希聖聖希天不越乎此第其下手時認定本末始終四字卽從倫常日用閒循序做去其幾始於恆獨其要歸於誠身而已

海陵從政錄

七

誠字爲身心骨子一有不實則身非其身心非其心性非其性學非其學矣縱能將天地理數動靜陰陽內外物我翻撥到盡頭處總是空談無補實際爾士苟有志於性學祇要各從心裏打掃清楚見得鸞飛魚躍頭頭是道再於身上檢點明白放開眼孔耐著心腸立定腳根緊依先儒做去做到是處便了微有見解之不同求其同歸於是而已以儒術爲懼不及何門戶爲

讀書能進退古人爲卓識故與古人爲難爲挾私春秋以來前有五子後有五子斯道乃以不孤爾若大天地得數子撐持至是歷萬劫而不朽厥功偉哉無可議也矣自朱陸有異同辨始於陸子

靜詆謫濂溪晦翁爭之遂至於齟齬而不相入愈辨愈爭愈愈辨其門人又附和之竟成門戶矣陽明起爲之解而桂萼議以欲立異以鳴高則非朱子格致之論後之人遂議陽明與子靜同爲異端不亦過乎儒者扶世翼教各具苦心致知致良知有名有不同其所用心以求至於道一也特高明沈潛各不相假爾果其悖道若異端舉世攻之不爲過若猶是語心性重彝倫敦事實心主於明理而其行为又稱之卽此內外皆有著落其爲實學無疑若更於言語文字間曲相排詆彼著書立說而實行毫無者其又何說耶故吾謂惟尼山無議爾如孟子如朱子人尙有議之者其他更不

海陵從政錄

六

必言矣吾輩幸生古人後得讀其書明其理足矣吹毛而求疵於古人無損也亦自取妄誕走入魔道而已

人必有恆方能有益如做這件事愈做愈熟愈做愈精過則日見而可以任我陶汰善則日進而可以任我擴充是故以之宅心則貞而固以之處事則順而常以之澤物利民則久而化成自古孝子悌弟理學名臣孰非從耐久得來如無恆心雖做一好事亦祇一時高興境過卽忘有何益處然非識力兼到者萬難有恆人皆各有本分必從本分上時時用心方能盡分如讀書人時在學問中細細思想曲曲揣摩未有德不加進而業不日精者做官

人時時在民事上細細體貼曲曲籌畫未有利不能興而弊不能去者直至用心既久雖夢寐飲食時亦丟不下則日進有功矣思之思之鬼神通之其理即在裏許

今人工較古人已省一半而德業卻遠遜古人者其患則在於不能自勉古人下手必先即物窮理方得是理然今則大中至正之理燦著於經訓之中但讀得四子書已知善之當為與惡之當去惟不知自勉遂至苟且因循終身無一是處

好人一邊亦分兩等一則事事周匝面面通居鄉則為善人居官則為能吏一則事事務實時時用心居家則性情冷淡血氣流通為孝子為悌弟居官則實政實心不厭為循吏為純臣此皆要好的人惟心術上微有分別遂處處不同是在人性之所近處善擇所從

海陵從政錄 九

鄉愚之訟大半由生監懲成即非主謀當其未成訟時或為宗族或為里黨必先以其事來告果能隨時譬喻勸戒未必不中止也况一訟之成多至傾家失產如能勸息其隱德亦復不淺

讀書之家率多寒士必以教讀為事試想人將子弟盡禮盡敬屬之於我無論恣情游蕩全不經心顯然誤人子弟即日坐齋頭而不能用心體貼因其才質隨時造就亦必誤人子弟大抵能盡一

分心必食一分報子家四世教讀其先證也即鄉里中亦有可惜觀者况教讀時不能用心則做官時亦必不能用心

古人云文必己出又云陳言務去又云漱六藝之芳潤是我輩雖無書不讀及把筆為文必求擺脫一切自出心裁即六經森訓亦必融取汁漿不可生吞活剝况是陳腐墨卷當時已為僂倖慮久益見支離即大家全集所傳或因數語而存或因數比而存不必篇篇盡善甚且明末諸老按時勢以立言精制義以據臆施之今日尤為大謬近來陋習每逢課文之時輒事鈔襲以圖僥倖其心又恐人知勢必搜取詭僻之文或大家遺集或陳滙墨裁本既不

海陵從政錄 十

無疵累一經指摘考置下等即執卷嘩然謂此固某大家文此固某中式文藉以指斥閱者之無目而並忘自己鈔錄之無恥居心之壞行蹤之陋莫此為甚試思國家造就人才有司宏獎士類原為有益於本身假使徒事鈔錄雖試皆優列亦於己何益又馬遷云士伸於知己而屈於不知己是即文自己出盡善盡美而閱者不能盡知亦不過非我知己於我何損亦於人何尤如此一思心平氣和當增多少蘊釀况本非佳製敝帚自奇尤為不量之甚士先器識而後文藝務取澗除積習涵養身心其文亦必有蒸蒸日上者矣

申勸諸生

為課心求益以傲無恥事孔子曰行己有恥孟子亦謂人不可以無恥是皆為學者痛下鍼砭省心克己之要害也吾謂文筆之道亦宜有恥恥不若人則必求所以若人且不過人而己焉斯真求益者矣非如本不若人而藉古人之文以為過人之地其無恥孰甚耶即如項水心呂晚村文之佼佼者也然其行誼已無可取縱傳其文亦祇傳其醜爾吾輩屏而棄之猶恐或晚况復錄其文以欺師長竟恬然不以為怪其自待居何等矣至晚村文在例禁鈔錄尤謬不以為謬而以愚人其待師長為何如人矣大凡鄉鄙

海陵從政錄

三

都邑皆有塾師不惜厚禮而致之者為弟子求進益也父戒其子兄戒其弟謂延師大不易爾輩宜切實用功斷不許鈔襲以自誤此亦天下之通義也書院之山長亦家塾等爾有司立意培材山長苦心校閱揆其義肯父兄師保之心程其功即發名成業之地果其立志求益何忍錄舊欺人耶况人之有心用之則靈泛用則困學者一題入手必須得一題之理盡一藝之能始則竄繼則通始則拙繼則巧日起有功不惟學者有悅心之候即教者亦有快意之時庶幾月異歲不同而文風亦蒸蒸日上豈非可牧者之幸哉乃計不出此日取古人冷背之文而鈔胥自任否則倩他人手

而代書之於作者何益於閱者又何損也閱者就文論文而已而其人之高下長短數課之後已了然於胸中是必有不可欺者矣不可欺而欺之愚也即令可欺而自欺之害誰又受之尤其愚之甚者也故吾願與諸生課文先與諸生課心心者人德之本也器識小大皆從此基而文章亦即由此達器識之不講則文章皆為無用矣文章之不習則器識日就卑污矣勢有固然不可誣也尤可怪者縣課雖有得失所關不過數百錢爾有志者且不因此而自貶况山長之課並無關於得失乃亦肆行鈔襲悍然而不顧吾更不知其肺腸矣夫錮蔽已深則鍼砭宜重嗣後有仍蹈前習者

海陵從政錄

三

必先招覆而後出榜如竟文筆不符當即加之懲戒諸生其因此自勵以無負諄諄教誨之心他日獲益無窮實爾諸生所身受山長有司皆無與焉且吾所到處皆實心培植絕非假書院虛名為要譽之地必欲長相欺罔則孜孜寸心亦自覺殊為無謂矣爾多士其敬省之

丁酉科捐廉簡獎示期決科論

竊照菁莪毓秀化起

朝廷杞梓儲才教先守令上溯書升之禮舉必從鄉載循讀瀛之

章師原稱縣是寶興盛典黜陟自有專司鼓舞微權利鈍何妨豫

卜况本縣詩書衍澤甲第起家派出濂溪下居黔筑高曾而上笏

不勝書祖父以來枚里約舉桂林獨秀先大父兆獻賢書棗蓀聯

輝先大夫並膺鄉薦泊子昆季三開荆樹之花亦越諸兒兩侍瓊

林之宴蓋得鄉舉者三成進士者五入詞館者二問謝公之子弟

半忝清班稽李氏之通家率叨顯秩祖孫四世科第百年揆厥淵

海陵從政錄

三

源胥闢培植至本縣薇垣八直舊籍天上之書五尺分量曾校中

州之士尤可見翰墨之因緣不盡作風塵之俗吏矣與邑舊海陵

也作江北之名區標中原之才子人文輩出僕數難終欲與振興

務先作養此下車伊始即捐廉延師為諸生講肄且親加程課不

憚丹黃迄今數月以來已具千里之概雖珠光照水近尚淵沈而

劍氣摩霄若看穎脫况且琴堂鼓靜漸消雀鼠之爭繡壤秧齊盡

絕蝗蝻之患既屢豐之有兆剛大比之屆期習飛騰筆健翻已全

待化鯢鵬搏風欲上此日儻輕虛舉應遵守牧之羞即今豫識正

元當亦長官之幸為此示期某月某日通諭城鄉徧招生監務皆

囊筆而來靜待黏題而試飯入簋以授餐錢萬選以備獎官廚致
薄作鹿鳴酒醴之先聲清俸雖微當虎榜花紅之豫兆幸勿五稱
五窮所望再接再厲非矜零落殘牙昔曾啖餅自喜廉龐老眼今
尚無花待卜出身切毋莫足此諭

海陵從政錄

三

己亥鄉試決科捐助卷費川資示

編照賓興盛典上為

朝廷取士之科下即學者進身之路異日出膺民社入贊

皇猷猶吏名臣胥基於此惟是偏隅懸隔既距省之維遙志士清

寒每辦裝之不易往往阮囊竟罄邊寄徒盈學績三年情艱一往

親朋莫肯枉教踏徧槐花登進無資漫羨攀來桂樹遂使玉終韞

櫝誰憐珠竟沈淵顧體單寒實堪矜恤前於丁酉科本縣特為諸

生豫決利鈍獅出俸廉置備重獎酌給川資並捐試卷今屆己亥

鄉試之年謹鑄吉某月某日敬備牲牢恭詣文昌閣告祀凡我

海陵從政錄

壹

諸生屆期各具衣冠黎明齊集隨班行禮旋集院中聽候黏題代

決利鈍除飲食花紅試卷照前備送外所有此次捐送川資即以

文藝之短長別川金之多寡考列前十名者助錢六千文次十名

四千以後概助二千藉青錢以將意肇諸生中選之祥望黃榜以

書名慰長吏培才之願特此通諭城鄉屆期無悞此諭

勸紡織

古來治生之道首詳農事次及女紅讀幽風七月之章為上者導

之以先公後私而民即安於男耕女織室家和樂風氣恬熙上下

相親何其懿也天生人有男有女即各有應為之事男子而治女

子之事則乖女子而擅男子之權則亂故古人以閭之內外閉之

斷未有曠廢手足馳騁心思以至於塗闈鄉鄰喧闐街巷拋頭露

面不畏公庭者也夫女子之性不勤則淫敬羨所謂勞則善心生

逸則惡心生其理其勢有必然者特愚婦人不及知而司牧者欲

陰為之轉移則惟習為勞苦使操作之不暇自不至於舍力而淫

海陵從政錄

美

心而不然者任其寬閒無所事事競相詬誶罔顧羞惡婦教之不

明皆其父母夫男有以縱之也本縣深察夫游惰之形推原其澆

漓之漸思有以維持之是以逢人勸戒力加創懲而積習竟不能

驟解乃設為教民紡織之法以陰行潛移默化之方現先捐制錢

五百緡擇於城中幽靜處製為機床二架紡車三十召窮家幼女

給以棉絮飯資延善織者為之師輪流學習四鄉各鎮皆可倣此

為之不出五年機聲滿縣利賴無窮豈惟可以靖膏粱亦即可以

廣財用矣儻織之不務而甘受飢窮窮之不已而相為潑賴其為

世道人心之害者豈淺鮮耶江南絲布之鄉也其以織獲利者蘇

松之殷富已有明徵矣何以此邦婦女竟計不及此此由偷惰之風已成而長官從未有議及者故相仍而不覺爾茲特捐廉倡率以開其端於五月廿五日設局陳公祠延女師三人教習於內除另示招習外九願殷實紳民襄茲善舉有心風俗者尙其集衆力以相資分羣言以共勸並望各鄉保廣爲傳諭俟民間知之爲利而爭爲之則鄉保各錄其姓氏以聞予亦即察其功力之勤惰機杼之多寡而予之賞罰幸勿以予言爲具文也幸甚

海陵從政錄

卷一

招習紡織

治家之道男子力耕女子勤織此農事與女工所由並重也興邑習尙偷安在縉紳之家婦女尙知廉恥其貧窮之女工作不勤既寬閒其手足遂放浪其形骸或藉些小微嫌喧嘩於鄉里或藉口角細故涉訟於公庭出乖露醜不守閨箴深堪痛恨本縣亟思補救業已捐廉設爲紡局如有窮民幼女自十一歲以至十三歲者選三十人習學給以棉絮飯食辰入申出並諭董事延師教習廣爲示諭在案茲董事已赴丹徒延有女教習左尙桂並女工二名來興現在設局陳公祠除捐備機床紡車棉花等物發局應用外合再出示曉諭爲此示仰闔邑軍民人等知悉爾等如有幼女年自十一歲至十三歲者情願習學紡織許即告知董事開列姓氏年歲註名入局本縣捐給飯食先教之紡後教之織以三十人爲額以五月爲期期滿已能習孰者即令出局另招補入輪流習學其有離城較遠不能赴局者現亦分諭各鄉一體舉董勸辦務使羣重女工無惰農亦無惰女不數年間布帛有餘民皆溫飽利賴無窮本縣有厚望焉

海陵從政錄

天

諭代書條約

訟必終凶古今同戒本縣昨甫下車即以止訟二字分考爾等第
思民既含冤自應呈告而告必有辭辭不盡實或捏造事由或粧
點情節或多為支節以行其朦蔽之私或臚列多人以肆其拖累
之毒甚至持符以縱惡假婦女以逞刁以及呈辭既投而原告
逃匿傳訊無蹤凡此種種其出於來囊者固多其出於代書之手
者亦復不少故欲求止訟之方必先於爾等是責合先分示條約
爾等務各凜遵儻敢故違立予嚴究毋忽

海陵從政錄

五

一定例凡有控告必令本人自作呈辭此後凡來寫辭者必問
明或係自作或託人代作並問明代作之人姓名居址填註
辭面

一本人不能自作呈辭則令其從實口訴爾等據直代寫毋許
稍有增減粧點並將爾等代作填註辭面

一凡來寫辭者爾等務即問明居址或係居鄉則必問明歇家
屬令靜聽批傳毋使投遞後有隱匿不到之弊爾等素與歇

家相通一氣均宜留心關會

一紳衿來告則問明係何職官係何科案分別填註以杜假冒
一定例婦女事非切己重情不進告舉他人事實嗣後如有婦

女出頭則問明有無夫男有無子孫現年若干何不聽其夫
男子孫呈控填註明白

一辭內臚列多人必問明歇家是否屬實然後代為書寫
一既非告期又非重案無得代為書寫以防搭臺之弊

一凡遇告期本縣皆親自坐堂詳加收閱爾等即隨堂侍立以
便查問

一告期遞呈者或本人或抱告皆令親身投遞以便照辭查詰
一爾等經此次條諭後務體本縣分別虛實息訟安民之意如
藉此刁難勒索致使民隱不伸則一經訪聞立加重辦

海陵從政錄

五

嚴禁搭臺訛詐

聽訟為吏治首務小民果有冤抑自應據實書辭遵照告期當堂投遞聽候核其真偽分別準駁辨曲直明是非除暴安良實究虛坐其於風俗民心最為關係乃本縣未曾履任即聞臺詐之風此地最甚每遇鄉儒家稍温飽即有一種不法棍徒慣行假捏事由裝點情節名曰搭臺不遵告期串通書吏專俟承值之日或朦混傳辭或顛頂喊冤但圖一準出票籤差便可肆行訛索凡此被害之人率皆鄉懦深畏到官祇得受其欺陵任其訛索銜悲茹痛蕩傾家迫至所欲既饜隨以一和了事其所為毒害良民者最為

海陵從政錄

三

凶險之極本縣既為父母之官即有斯民之責焉能坐視良民受爾毒害現已嚴諭書役代書人等凡有含冤具控者據實書寫或係來辭註明紙上總於三八告期當堂投遞本縣無論寒暑皆必親自收閱核其真偽分別準駁隨時研鞠稍有假飾不待更傳被告立予責懲儻有不遵告期妄行投辭者除不收閱外仍提該書等一並究責總之本縣閱歷數十載服官十餘年加以哀矜良民細心研察其於鬼域行蹤縱令裝點無痕應亦難逃鑒察况此種不法棍徒及不自書役現已訪查確實惟本縣政先教化兼存隱惡揚善之心務行先勸後懲之意與其未教而先誅莫若化惡以

從善為此通行曉諭務即痛革非心盡除積習一切搭臺訛詐請弊永行革除庶幾良民安枕風俗淳熙以漸副本縣殷殷求治之意儻仍意存觀望不即消除則是自外生成甘蹈法網本縣懲惡之意甚於仇讎勢必盡法嚴懲斷不稍存寬假教豫刑先法隨言後諒本縣如此諄諄斷非空言了事者各宜凜遵毋忽

海陵從政錄

三

此處為空白欄位，可能為原書留白或待續錄之處。

嚴禁棍徒詐擾

棍秀不除則嘉禾不植棍徒不靖則民業難安查得與邑地方有等無賴棍徒呼朋引類結隊成羣賭博是其生涯詎詐視為恆業或託送貨物聚眾硬索於街坊或散帖慶生恃強勒獻於鄉曲習慣自然肆行無忌溫飽者懼累而不敢控告孱弱者畏威而莫與撻鋒往往忍氣吞聲受其毒虐而該棍徒等亦因莫敢與較益無忌憚矣此等惡習本縣久有所聞茲已將陸林張猛虎訪獲到案分別枷示究懲猶恐在外詐擾者不止陸林等數人合行剴切曉諭為此示仰闔邑軍民人等知悉自不之後各棍徒務須痛改前

海陵從政錄

壹

非各謀生業毋再仍前託送詎詐擾害良民儻敢復蹈故轍許爾等即刻扭稟斷不妨容並督令鄉保隨時稽查一有見聞立即稟究儻相容隱一並嚴懲稟之慎之

諭傳差人役

本縣每遇訟案簽差爾等提傳人證爾等積習往往故意逗遲以為需索原告地步及到被傳之家故作威嚇又復無限需索如得賄既足或報病或報遠出以致案懸無結即人已傳齊又不即行稟到使之日羈署勞刁難萬狀致令被傳之人既不得見官又不散散去一則多費盤纏一則廢時失業甚至釀成禍端思之大堪痛恨用特嚴加誥諭凡本縣簽傳一案務即按照票限期日期隨時稟銷即或所傳之人實係有病實係外出亦不難即時稟報儻有逾限不銷及前指各弊一經察出定即嚴懲不貸特諭

海陵從政錄

壹

戒書奢侈

人必能儉方能廉其理統上下而言本縣到此年來見爾等及則重裘夏則輕葛並開飲食徵逐嫖賭吃煙極其奢侈試想此種費用從何而來不過虧空錢糧婪贓賣法所得推爾等奢侈之意以為如此方始體面殊不知虧空錢糧一到比較之時萬接不過枷賣鎖押其不體面無過於此至於賣法婪贓不但害民先害自身從來需索之人總有發覺之日輕犯輕辦重犯重懲身家不保至使妻兒流落其不體面更甚萬倍且凡民間富貴之家一經奢侈必至流落是雖祖父遺留之錢亦不可奢侈况是虧空婪索者乎

海陵從政錄

五

何如不虧空不婪贓隨常衣食自然飽煖使上而父母下而妻子不為爾懸心不為爾受苦本官見爾樸誠亦必信用百姓見爾老實亦必愛重終身安樂是何等受用即是何等體面本縣自身及子弟人等衣食一切皆爾等所常見會有一人一事奢侈者否上下火食不過千餘文子弟皆無華麗服飾請孫一律布衣亦爾等所共見共聞者會有一切習氣否爾等其各體此意速即痛改前非既不害民又可保身公私兩有裨益况吸食鴉片徒自戕生並不得謂之體而且功令森嚴犯之者死尤宜亟即戒絕本縣實憫爾等之愚故諄諭如此其各凜遵毋忽

諭禁卒

監禁之設所以錮凶惡防奸宄入其中者總皆身陷刑章罪惡顯著者也然仁人矜恤隨處皆然無論獄囚之中儘有罪不至死應當撫恤者即罪干大戮亦應待其明正典刑不可聽其瘦斃乃有禁卒人等或於入禁之初勒索財物稍不遂意即加陵虐或於棉衣飯食給散之時恣意剋減又有禁中老犯恃強陵弱種種不法等事皆應嚴行禁止為此諭仰禁卒人等知悉除獄中各犯偶感疾病立即稟聞傳醫診治外儘有前指各弊及陵虐不法等事或經本縣親身查出或隨時訪聞立即嚴行懲辦斷不姑寬各宜凜

海陵從政錄

美

遵特諭

嚴禁賭博

士農工商各有恆業關牌擲骰最壞人心近今訪得有等游手之徒不務正業專以局賭為生呼朋引類嗚雉呼盧負則因忿成爭勝則損人利己迨至囊囊皆空飢寒難忍流為賊黨甘受官刑更聞富屋豪門恃有深房密戶摸牌押寶小則廢時失業大則蕩產傾家甚至不避嫌疑不分晝夜古人有云賭為奸盜之媒思之深可危悚更有一等惡棍開場誘賭致令無知子弟墮其術中往往沈溺不返父母不以為子鄉里不以為人貽害多端尤堪痛恨本縣愛民如子疾惡如仇除飭差查拏究處外合亟出諭禁為此

海陵從政錄

三

示仰閩邑軍民人等知悉嗣後各宜回頭猛省痛改前非如敢復循故轍怙惡不悛定拏重究斷不姑寬粟之慎之

嚴禁婦女淫鬧

竊維婦女之道首重三從在家從父出嫁從夫夫死從子古之制也古人慎重閨門絕不使婦女干預外事禮曰外言不入於閨內言不出於閨所以別男女之嫌杜姦淫之漸未聞拋頭露面閨里爭雄甚至恃婦逞刁公庭涉訟者也乃此邦習慣成風動輒以婦女播禍始則其父與夫縱之繼則雖父與夫亦不能自制是以街坊口角村舍紛爭一家有事親族隨之眾口難調蔓延不了此在施之者以為得計而在受之者真有無可如何者矣本縣每閱呈辭無案不因濫賴時行鄉曲何處得免喧嚷欲靖鳩風先嚴法令嗣後無論鄉城軍民人等切宜父戒其女夫戒其婦子勸其母務守閨帷之義勿為塗鬧之行反己自思設身處地自然消除戾氣而禍患可以不生不然長此驕陵爾輩亦難安家室矣然正人必先正己試思人以婦女陵己己必不願而又使己之婦女陵人人豈忍受哉勢不相忍必至彼此效尤此風其何日已耶本縣悉及禍機故不惜反復賜導如再不知悔悟則是爾等冥頑不靈終不可以教誨也有父者責其父有夫者責其夫有子者責其子無夫無子即責其身必不能為爾等再寬矣粟之慎之

海陵從政錄

三

申諭婦女

蓋聞女重閨門禮嚴閨教所以端風化之原養廉恥之道也與邑婦女除讀書紳士慎守家規此外鄉曲街房鮮知羞惡矣牌名別棍羣居則浪費閒錢曲度清音貧家則居為奇貨或倚門而觀望絕無避忌之心或披髮以喧闐共作嘲噪之舉燒香佛廟奉彼羣僧搆訟公庭潑及官長倚父母以助其賈陵借夫男而逞其詭詐往往釀成命案甘作尸親直忘骨肉之恩肆其局詐之計凡此種種揆諸丈夫之心未必不以為恥無如彼婦之口久已習以為常寡廉鮮恥逞惡放刁風俗之偷於斯為極本縣怵目已深劇心實

海陵從政錄

完

嚴禁婦女宿廟燒香

竊以福善禍淫天之道也為婦女者有姑媵則順事之有夫男則敬承之有子孫則正教之有鄰里親族則和睦之平其賈陵谿刻之心守其柔順堅貞之德窮則聽命富則濟人毋恃婦以逞刁毋偷閒以自逸神人共慰福即隨之若夫忤逆之事潑賴之行損人利己之思長舌逞刁之狀人且難近何況於神而猶焚頂燒指拜懺理經以希必不可得之護祐曾亦思聰明正直之神譬爾香楮愛爾錢財遂被爾以厚福耶尤可異者一聲傳戒衆婦借來不惜佈施便是頭灰之訣多積宿廟即為作福之緣穢德醜行何可言

海陵從政錄

早

甚惟易俗移風之是亟恨家諭戶曉之難周除已捐廉設立機坊教之紡織既願婦職之維修更望夫綱之克振自此示諭後凡為之父母夫男者力扶陽教急斂雌風勿使浪游於中市勿使觀戲於廣場勿使肆毒於街鄰勿使求福於庵觀自幼至長時時導以箴規由城及鄉處處明其恥讓庶幾女功日益而良善可安矣否則三尺法在必不姑容爾婦女其各凜之爾父母夫男其早圖之

狀而為之父母與夫男者曾不一為禁之何其愚也夫不務民義而肆力於神不守閨門而乞靈於廟不安婦道而要福於絕無知識之僧有風教之責者烏能忍此自今以往務思恪循婦道毋許宿廟燒香儻竟不遵即傳其父母夫男當堂戒斥並諭各廟僧人有膽敢違不再踏前愆者即予斥逐決不寬貸毋謂言之不早也

禁止佛事道場

爲崇正黜邪以正人心以維風俗事竊維天地鬼神賞善罰惡可知人之禍福基於善與不善非關佛事道場念經持呪遂可以轉禍而爲福也其所謂好善者敦孝弟則無涼薄之行矢忠厚則無狡詐之習勿損人而利己勿作偽以勞心安乎耕讀之謀養以廉恥之道自然德修而善積矣善積者神必福此不待求而自至者若夫白作不道乖倫紀壞心術棄名義逞奸邪明有律條幽受冥謫雖百拜稽首叩神靈而籲之必有不可得而應者矣乃此邪習慣成風非好佛卽好道不惟愚賤無知之侶焚頂燒指敬事妖僧

海陵從政錄

聖

卽儼然儒者之家亦曾讀書自命乃亦隨聲附和爭建道場恬然不以爲怪豈不知所讀之書如四書十三經中曾有是事否也讀書人爲之則愚賤人不待言矣男子爲之則婦女更不可問矣推其心以爲是卽好事是卽可以轉禍爲福而不知于名犯義亂俗敗常破產傾家寡廉鮮恥皆於是乎肇之而妖僧惡道更從而煽惑其間是以藏垢納汙欺愚飾智邪淫爭逞醉飽無厭邑之人日受其禍而不知而猶自名功德至於死而不知試問諸人之所以待其父兄宗族朋友媼姪者能若是之敬且愛確且誠以至於牢不可破如此耶本縣自顧有風化之責不忍不盡言之所望讀

君子相與維持逢人而勸導之聞其迷悟使知好佛好道之有損而無益而殫其心於父兄宗族朋友媼姪之間將不求福而福可自至否則僧焰日熾民財日困風俗日偷本縣惟有操三尺法從事而已爾紳民其共圖之

海陵從政錄

聖

諭禁僧尼

照得僧道女冠既已奉教法門自合深參淨域麥糝冰宿自絕貪
嗔暮鼓晨鐘不憚勞苦託金盞以向空門本圖懺悔擁蒲團而課
靜室宜守清規豈可放浪形骸罔知忌憚本縣蒞任茲土加意民
風每覓紺宇琳宮盡被僧流占住香臺蘭若每多女冠羣居或貪
得香資勸愚婦燒香於廟宇或雀角細故捏虛詞涉訟於公庭甚
至男女不分僧尼同席茹葷飲酒雜遝喧譁不特褻瀆神明抑且
有關風化言念及此實堪痛恨合行出示曉諭為此示仰闔邑僧
道女尼人等知悉自示之後爾等務官恪守清規毋許僧尼道士
交結往來煽惑良民麝香佈施並不許誘放游民出入如敢不遵
本縣耳目最周一經訪拏到案定即照例懲辦決不寬貸勿謂告
誡之不早也

海陵從政錄

璽

諭禁焰口

婦女燒香久經查禁奸僧射利即予創懲所以杜邪淫而維風俗
也乃錮蔽已深冥頑如故本縣訪得張家庄潘秀閣者父子兄弟
煽惑愚民聚婦女千餘人集墳頭數十處又致眾僧諷呪各戶斂
錢不惟有駭聽聞實屬大傷風化試思會名枯骸幾見有鬼來警
口誦多羅祇供禱果腹豈其鬼門關上真有輪迴胡以東郭墻
開頓成樂園逞無端之臆說假焰口以弭災捨有用之金錢買奸
僧之邪說愚而可恥惡且難堪况光天化日之區安許羣狐滿地
三令五申之後何竟大膽包天用子枷管曉示愚昧自示以後巫
早梭心若竟積習難除定行詳辦戒之凜之

海陵從政錄

璽

嚴禁高裝 與俗齣會之期有種游手棍徒日裝戲目下用沙
行走高出屋脊名曰高
裝多有跌傷殞命者

古有大攤亦有大蜡或驅癘疫或報土功是凡俗尙迎神而絕無
關礙者應亦在所不禁乃人心好異鬪靡爭長女舞鞦韆男裝鬼
物招搖過市舉國若狂破費金錢釀成淫靡此等積習已屬可憎
尤有甚者名曰高裝縛木於耐截長數丈徒形醜態甘蹈危機以
此逞才亦何用以此求利利又無多以此壯觀觀卽生厭課厥
姓名率皆無賴推其流弊易事奸偷酌理準情均堪痛恨自今以
往亟卽驅除其或不恭常刑不宥既與爾約言出法隨毋貽後悔

海陵從政錄

吳

籌備盜賊

盜賊之來每起於無備備之道必捕快勤能鄉保查察有案必
獲有賊必懲庶幾境內游民及外來積匪皆有所敬畏而不敢蒙
乃邇來報竊已多卽劫搶亦復開出嚴責捕快究屬無裨推原其
故與邑之捕快無多又極庸疲不堪驅策每有案出先乏資斧遂
甘坐視且恐破案之後往返招解盤費滋多不惟力量不能拏賊
卽見賊亦不肯拏甚至藉賊以養生甘受肉比而不悔者是亦事
之無可如何者也本縣日夕憂勞無善策不得不與爾紳民共
籌之憶昔本縣宰共城時每村庄各保充坊快一名分東西南北

海陵從政錄

吳

四鄉每鄉設兩總捕以察之城中亦分東西南北四城每城各有
坊快仍設兩總捕察之每年麥秋兩季皆由木鄉本庄紳耆庄保
公按田畝之多寡出穀若干以爲捕快資生之計絕不使胥役經
手又自十月初一日起至二月三十日止無論城鄉每十家出更
夫一名終夜巡視毋許怠忽是以賊風竟息因思此地賊盜較多
又係澤國艱於緝捕爾紳民身家所係斷無不自防維者然一人
防一家不若眾人共防一家與其防之不及而報官不若豫先防
之而無失嗣後卽做照本縣舊治章程爲之宜無不可查與邑凡
七鄉卽立總捕十四名四城寬大分立四名總捕本縣擇而立之

所有坊快即著各村庄選其勤能有力者酌保一人統歸各鄉總捕管理每鄉犯案即為總捕坊快是問庶事有專責而法不可逃矣其所資工食亦著城鄉各紳耆公議給之試思一鄉一庄養一坊快所費幾何在坊快既食其祿而不忠其事雖血比宜無辭也並於十月初酌派更夫以資巡查百姓得有安枕之樂即本縣亦享無事之榮矣惟爾紳民共導之

海陵從政錄

學

八蜡廟倡修序

八蜡首先齋終昆蟲其中農坊司耆郵表水庸實皆功德在民祀必百世者也古始伊耆歷世不墜

國朝州邑各立專祠載在祀典凡以崇農功重民事報本追始仁至義盡非若無稽祠祀徒飾觀瞻爭祭饗儼禍要福惑世誣民之比也歷久失實紳士農民率以

八蜡專主昆蟲而江淮之閒夙少蝗孽以致民忘其本祭失其名有司歲時不過奉行一祭而日被其澤者方且奔走汗逐日擲金錢以飾琳宇以煥梵宮豐歉報賽羣僕僕於黃冠緇褐之旁而

海陵從政錄

學

八蜡神祠無過而祭之者矣故凡一邑之中佛寺道觀不下十百類皆壯麗輝煥而

八蜡一祠坐聽摧圯豈民力有足有不足民心有願有不願哉民忘其本故飲食之祝不於先農而於佛老祭失其名故豐歉之禱不於司嗇而於緇黃報本追遠之謂何而顧可聽其忘返乎况夫興化澤國水庸尤為切要又江淮去冬雪未深透蟪蛄萌生延及與邑予既盡力堵捕步禱

神祠幸悉飛颺未傷禾稼固民之福實

神之靈也而又可忘夫崇報哉昨以虔禱至祠瞻拜廟貌見凡正

殿三楹中奉

三皇飲食之祖也左奉風雲雷雨長養之神也右奉

八蜡崇報之主也又前廡奉

劉猛將軍誠所謂功德在民祀必百世者也無如祭饗日虛廟貌

日剝丹碧摧蝕楹桷傾斜潮溼卑陋不可以居從而新之是守土

者之責當亦民所樂趨矣况計其功不過佛老寺觀之一隅度其

義迥過懺禍要福之萬倍紳士農民孰是不被其澤者而乃慢不

加察耶且去秋迄今蝗所過處詛呪則立見殘食禱祝則立見遠

殿又皆農民所共觀而

海陵從政錄

吳

神靈之彰明較著者也予用捐廉爲闔邑倡並爲之敘以下其成

凡我紳民幸襄厥事是誠

祀典農功民事之所關而歲歲年年吹豳擊鼓所以祝大有而頌

屢豐者將於是乎基焉是爲序

重葺

聖廟記

學貴尊師禮崇報本古之道也儒者讀

聖人之書行

聖人之行則

聖廟即儒者之本修

聖廟即以見儒者報本之心上自

臨雍下而一州一邑羣天下趨而敬之固有不煩贅說者矣今查

興邑

海陵從政錄

季

聖廟創於宋天聖中范文正公重修於嘉靖三十七年再修於

本朝康熙二十三年復修於乾隆五十七年迄今幾五十年椽棟

朽糜瓦椽零落上漏下溼不可以居而且兩廡牆傾樑屋石倚蓮

蒿蕪穢其何以肅觀瞻而將僮畏也已亥春謀及學師及諸董事

華先捐制錢三百千而紳民之樂爲附和者隨力捐助其襄盛舉

於三月十六日開工羣紳趨事鼓舞歡欣至仲秋月杪方始厥事

凡以見

文治之昌明與夫尊師報本之忱所以鬱積乎人心者固有大彰

明較著者矣因紀其時日於石

文昌閣增修記

儒者為政必先教化而教化尤莫先於學術科名其後焉者也使學術不正則操之無本雖科名顯赫究無裨於

國無益於民其又何取焉故形家者言每以科名為據談言微中事誠有之而理不盡可解也丁酉春予甫下車即立十約與百姓

務本業又嚴課書院諸生捐俸延師相與講貫竊以學術正而後科名乃可期也公餘紳士請曰學之巽地舊立

文昌閣前明歐陽公建也

國朝白公增建後樓實本邑文運所係今圯廢祈新之且述明王

海陵從政錄

至

公揭文相國魁字於明倫堂而次年李文定公大魁天下以為休

徵之證予曰是固非政之急務然多士欣欣或以形家者言爭自懋勉以求步李文定公之後未必非教化之助第所費或鉅勢必

勸捐不又煩吾民乎諸紳曰約費數百緡今公存且二百有奇予曰是不難矣遂捐百緡助之自春杪迄秋初凡四閱月予將送諸

生鄉試授餐備獎為闔邑豫決利鈍而是閣適成紳士請為之記予曰有其舉之莫敢廢也但望我諸生勿以形家之故而妄冀科

名勿以科名之故始從事於學術庶幾官民交勸漸漬優游而學術可正教化可行矣後之掇巍科登顯仕樹大業為鄉里增輝者

安知不比迹先賢而是閭且因以傳不朽耶閣仍舊地增高二丈二尺後樓祀

關帝紳董謂為風雲聚會之意亦仍其舊惟舊觀音殊不類令遷他寺所以崇正學也其庀材程料出入經費均命列之碑陰而是記不具焉

海陵從政錄

至

文昌宮改建記

宮在

孔子廟東陋室三楹湫隘實甚祭之日露立更衣跣躄將事其無以作誠心而昭祀典者斯其極矣

宮之南有閣既卑且圯丁酉春予下車後紳董以重修請予即倡捐以峻之益以衆士之樂輸經九秋而蒞其事而猶以

宮之湫隘為歉然也夫

文昌者即在天之六匡星也禮隆九叩饗以太牢為其光昭雲漢象著文明祀之以為斯文之主宰非如世所稱述一十七世為士

海陵從政錄

壹

大夫身荒誕而不可信也制祭者崇敬天之道承祭者禦

王制之儀其誰敢褻越將之者而乃任其湫隘如此也邑中佞佛祇奉妖僧八大叢林侈不可言矣其次焉者雕葺峻宇金碧焜煌亦復不少豈獨非斂民財而為之者耶何以佛殿煥然而

文昌宮且頽然也擬擇叢林更身之論者以為利在東南必不宜於西北用卜南門內玉虛觀改建焉戊戌夏季捐資理之高其開

闕遷其泥佛奠我

神居乃得於仲秋奉行

曲禮額之以化成天下仰邑之人知所敬事使毋淫情於佛廟焉

是亦守土者之所厚望也謹記

海陵從政錄

壽

移置節孝祠記

興邑尼庵四十二處女尼一百一十九名噫何若是之多也而其
所為節孝祠者略具屋形上墜下溼不可以片刻居予心怒然矣
夫以節孝之重仰邀

朝廷憲典下驗風俗淳龐懲柔濮之汗勵柏舟之志門楣光大鄉
里訓行其為世道人心係者豈淺鮮耶禮宜奉之清潔之祠崇以
馨香之祀以彰往德以勸將來斯為理順心安之事乃尼庵納垢
方且廣廈是營而潛德幽棲甚至數椽不備司風化者何以堪之
乃與紳董共議移祠於淨蓮庵中並做丹塗請建總坊之例採石

海陵從政錄

羣

鳩工剋日興造即以庵之外宅改立石坊以為之門正殿三楹舊
皆無名土佛徙之而去以安木主即雷尼僧之好潔者以供灑掃
是役也董事某等共成之其經費亦董事之所勸捐者因為之記
其時日於石

毀淫祠示

為毀淫祠以正人心事禮曰非其所祭而祭之名曰淫祀淫祀無
福是正所以破人心之狂惑挽祈禱之邪思也彼李君玉昌者山
陽之役當時襲之然無各邑建立真祠之典是即具有神靈亦與
興化人無與何以公然能像議建真祠好事者倡之於前眾人和
之於後斂錢動眾蠱惑民心其貽害實非淺鮮前經本縣訪聞訓
戒諄諄已非一次乃邇官迎建舉國若狂若輩意欲何為而必力
爭此無福之淫祀耶其膽玩為何如也况此地營情佛老為禍已
深業經嚴禁今更假託正名肆為妖惑其害較佛老為尤甚本縣

海陵從政錄

美

為人心風俗起見除將李君假像毀化外相應出示曉諭為此曉
示闔邑軍民人等知悉各宜痛自斂束凡有所謂急報祠者立即
毀去毋許聚眾燒香致滋斂惑之咎儻敢竟有不遵仰鄉約保正
立刻稟明從重治罪決不姑寬

嚴禁吸食鴉片煙示

本縣下車以來特於地方事宜細心講究覺現在最為病民者無如鴉片之害固亦人所皆知而猶不免吸食者大約其始皆係被人引誘繼並欲戒不能致令父母不以為子鄉黨不以為人本富者蕩盡家資本貧者流為匪類精枯骨立無復人形即或殘喘苟延亦必俾晝作夜外則不能謀生內並不能育子是其毒並不止於殺身而且至於絕嗣加以一經訪拏立受刑辱種種毒害明在目前本縣既為父母之官斷不忍坐視爾等甘蹈刑章自入死路合先申明諭禁自諭之後務即痛自改悔立時戒絕儻或視為具

海陵從政錄

卷

文不知悛改本縣現在嚴密訪查或早或遲終必發覺當必盡法懲治斷不姑寬各宜凜遵特諭

嚴禁與販鴉片煙開館誘食示

遂生務先除原治流尤必清源鴉片之毒固中於吸食之人而吸食之害實起於與販開館之棍故定例分明其於此種不法棍徒治之尤為嚴峻本縣下車以來細察本邑地殊都會回不通商固無大輩與販鴉片之弊然亦有種匪徒勾串船戶夾帶煙土往來販買以及潛匿境內開館誘食者其惡尤堪痛恨若不嚴拏懲辦不足以掃淨根源而保全民命除本縣嚴密訪查外合行出示曉諭為此示仰閩邑士庶軍民人等知悉自示之後務知戒煙得生吸食則死禍福祇在轉移之閒其販土開館者當思敗露拏獲立時身膺重典家產性命皆不能保急早回頭另謀生業如再不知改悔仍然販土煎熬開館誘食一經訪實立即嚴拏從重究辦儻有書役地保以及往來船戶得錢包庇立予嚴懲本縣下車伊始務在除惡清源斷不徒為文具且爾等試思吸食之人行蹤隱秘訪查或有不周至於爾等往來交易斷不止於一人但有一人犯案本縣必行嚴加根究買從何人是爾等斷無幸免之理務即細思痛改儻仍不悟本縣言出法隨決不寬貸凜遵特諭

海陵從政錄

卷

嚴切諭繳煙土煙具示

鴉片流毒向經本縣誠諭諄諄至再三嗣奉黃鴻臚條奏及各
大憲劉發告條徧貼曉諭明示吸煙者死戒煙者生生死之機祇
爭一念本縣細思爾等欲求一念之恆必先斷媒孽之具如家無
賭具雖以夙係博徒亦祇好暫行忍過熬忍既久自然斷絕可知
爾等欲思斷癮必首去吸食之鎗又與販開館之徒壘經學辨身
家不保亦皆爾等所深知今各憲復諭爾等吸食者呈繳煙鎗與
販開館者呈繳煙土概免治罪是改悔則予以自新故違則嚴行
究治轉移至捷禍福隨人此理分明雖愚亦解用特嚴切告諭務
海陵從政錄
堯

即赴縣呈繳均免治罪儻仍執迷觀望自蹈刑章一經訪拏立予
重究新例不日頒行舊習速行剷革各宜遵毋違特示

嚴禁書差吸食鴉片及包庇隱漏檄

本縣痛惡鴉片之毒歷經懲諭皆爾等所熟聞今接鄂鈔讀科道
許條陳原摺及所奉

上諭其於爾等情形盡行指發無微不至是向日百姓所為藉爾
包庇倚爾隱漏借爾傳遞消息諸弊與爾等自恃在官恣情吸食
無復顧忌之心今皆先從爾等治起加等嚴辦是爾先不能自顧
焉能顧人且諸弊指陳爾等自別按條查辦破敗登時官雖至懦
至愚亦不肯為爾受過况本縣執法有素爾所深知斷不敢忽
朝廷之嚴諭而為爾等作護身符也用將原摺及

海陵從政錄

本

上諭敬謹鈔錄人給一紙萬勿仍踵舊習視為具文本縣諄諭再
三法在不貸毋忽

頒發摘錄鴉片煙新例彙

本年七月初五日接奉鈞部前蒙頒發查禁鴉片煙條例一本邊
經臚列剖切曉示伏念鴉片煙流入中國愚民沾染已深積習原
難驟返惟自上年及今雷厲風行查辦不遺餘力此時奉頒新例
一律從嚴若不乘時協力同心嚴行查禁勢將冷灰復燃貽患更
無底止在大人愛民如子嫉惡如仇深願畫畫者流斷癮戒煙即
為良善而於開館之引誘良人販土之故違禁令則遞委幹員隨
時訪拏究辦卑職素沐恩施至優極渥尤當仰體慈懷自效靡薄
其收指臂之助竊念四鄉遼闊一時恐難周知而欲禁四鄉必自

海陵從政錄

空

城廂始欲禁城廂之士庶必自本署之書役始蓋此輩潔已奉公
者雖有而游手好閒居多且其切近衙門易於覺察卑職現將禁
煙新例刊刻成書每房每班各給一本並令總書總頭自相稽察
凡有本身吸煙有癮尚未戒絕者諭令迅速遵照前頒藥方製藥
服食全行斷絕其本房本班各書役中凡有食煙之人亦即曉以
利害將煙土煙膏煙鎗煙具立即赴官呈繳照例準其免罪如敢
徇情容隱察出一並治罪卑職仍隨時密訪將食煙有癮之書役
發提到案當堂試驗其餘城廂庄鎮則徧傳鄉保分給新例告示
數本令其會同本庄耆老諄諄告誡務使家喻戶曉卑職仍於因

公下鄉之便順道親訪隨時查拏有犯必懲不敢稍形鬆動如此
則吸食者共畏刑章與販者無從託足將見淨盡根株永清流弊
矣卑職愚昧之見是否有當伏乞訓示遵行

再查新例凡三十九條細密謹嚴彙成一卷而百姓畫幾難卒
讀惟於周密之中敬求簡明之法庶幾易知易從根株可以淨盡
用敢於三十九條內除開設密口等弊為本邑所無又旂人太監
之犯禁

吏部議官吏之失察均與平民無相干涉不復開載外謹擇其與
書役兵丁軍民人等切實緊要者敬錄二十條另刊發交書役鄉

海陵從政錄

空

保人給一冊俾令易於觀覽觸目警心以仰副大人刑期無刑之
至意卑職實從小民無知力求簡明起見是否有當伏乞訓示施
行實為德便

附呈摘錄新例二十條

（此處為新例內容，因字跡模糊，無法逐字辨識，僅保留其大致結構）

諭書役並給鴉片煙新例示

竊照現奉新頒條例吸食鴉片煙人犯各直省以奉到部文之日為始予限一年六個月限滿不知悔改無論官員軍民人等一概擬絞監候其在一年六個月限內平民杖一百流二千里不能供出販賣之人杖一百流二千五百里在官人役照平民加一等治罪蓋書役為本官耳目辦理文案勾攝罪人是其專責若先故違禁令吸食鴉片是明知故犯矣故例加平民一等本縣自上年奉文查禁之後因思法行自近稽察之方必以書役為首屢經諄諄告誡凡有平時食煙之人迅速遵照頒發藥方依法製服全行斷

海陵從政錄

查

絕並令爾等總書總役出具互保切結此後書役中如再有違禁吸煙情事一經查出定將互保之書役一體治罪本縣仍隨時密訪將食煙有癮者錄提到案當堂試驗並令呈繳煙具彙案繳銷一年以來雖不乏製方斷癮之人而倚恃靈鴉仍然吸食者亦復不少本縣考成所在豈肯為爾等受贖蔽之名自貽失察之咎除將奉頒條例刊刻二十條出示曉禁外合行諭飭諭到該房總書役等各宜猛省及早迴頭如係本身吸煙有癮尚未戒絕迅速查照前頒良方製藥服食其本房各書役中凡有食煙之人亦即曉以利害將煙土器具立即赴案呈繳勿使迷途不返儻該書役等瞻

徇情面代為容隱本縣耳目最近一經訪聞得實定將該總書役等照知情容隱之地保鄰佑與本犯一律懲辦勿謂言之不早也
稟遵特諭

硃書一通六房三班各給一紙實貼曉諭又新例一本

海陵從政錄

查

諭各鄉保並給鴉片煙新例

照得鴉片煙新例凡開設煙館栽種售賣等犯兵役受賄包庇與本犯一律科罪其知情之地保鄰佑杖一百徒三年有贓者計贓準枉法從重論等語誠以開館誘食煎熬售賣該鄉保聞見最近無不周知苟非受賄故縱即係知情容隱至於吸食之人既經食煙有癮亦難掩人耳目欲絕其萌芽之始必先懲其庇護之人本縣奉文之後已將頒發新例摘錄二十條剴切曉諭誠恐該鄉保等視為具文玩泄從事合行諭飭論到該鄉保即將發去告示條例會同本庄耆老備行曉諭將開館引誘製土煎熬及吸食鴉片

海陵從政錄

壹

煙之人勸令立即據實赴官自首並將煙土煙膏煙鎗煙具儘數呈繳照例準予免罪儻經此次曉諭之後該庄地面再有前項開館販土食煙等犯一經本縣親自訪問查拏除將正犯照例治罪外定將知情容隱之地保鄰佑各照新例分別懲辦決不寬貸該鄉保等務各自顧身家認真稽察切勿代人受過自取譴尤禦之慎之特諭

每庄地保各給一紙並告示新例一本

謹摘議禁鴉片煙新例二十條

一開設鴉片煙館原例為首擬絞監候為從擬滿流今擬私開鴉片煙館引誘良家子弟者首犯擬絞立決房屋入官從犯及知情租給房屋之犯發新疆給官兵為奴房屋一律入官兵役受賄包庇與犯一體科罪其知情之地保鄰佑人等俱仍照舊例杖一百徒三年有贓者計贓準枉法從重論

一得財賣放鴉片煙案犯之官役人等向無治罪專條今擬拏獲與販鴉片煙及吸食之犯如有不肖官吏並兵役人等得財賣放者與本犯一體治罪贓重者計贓以枉法從重論

海陵從政錄

叁

一禁卒人等遞給鴉片煙與犯人吸食向無治罪專條今擬內外問刑衙門收禁人犯如有禁卒人等私行傳遞或代買鴉片煙與犯人吸食者發極邊煙墮充軍其奉官解遞看守之犯解役看役人等有犯前項情弊發近邊充軍贓重者計贓以枉法從重論
一栽煙誣賴之犯向無治罪專條今擬拏獲鴉片煙見癮發有據者方坐不許妄扳拖累如兵役人等並地方匪棍冒充兵役假以查拏鴉片煙為由肆行搶奪並懷挾仇恨或希圖訛詐栽煙誣賴審實不分首從俱照誣良為盜例發邊遠充軍贓至一百二十兩以上者為首擬絞監候

一鴉片煙案犯告稱留養向無專條今擬鴉片煙案內問擬流罪
以上人犯有告稱留養者概不查辦

一鴉片煙案內自首及聞警投首人犯向無專條今擬鴉片煙案
內人犯如有事未發而自首者照犯罪自首律進其犯罪聞警投
首者於本罪上減一等科斷首後復犯加一等治罪不准再首

一吸食鴉片煙之案止準地方官并訪警究辦不准旁人許告如
有許告者均不准受理儻係干犯名義仍照本例治罪

一栽種鴉片煙及買土煎熬售賣人犯原例為首發邊遠充軍為
從流二千里與販鴉片煙人犯為首發近邊充軍加枷為從滿徒

海陵從政錄

奎

今擬內地奸民人等有栽種罌粟花收漿製造鴉片煙土或煎熬
成膏售賣及與販鴉片煙膏煙土發賣圖利數至五百兩或雖不
及五百兩而與販多次者首犯擬絞監候為從發極邊煙瘴充軍
若與販僅止一二次並為數不及五百兩為首發新疆給官兵為
奴為從發極邊足四千里充軍兵役受賄包庇與首犯一體科罪
贓重者計贓以枉法從重論其知情租給田地房屋之業主及知
情受雇之船戶俱在一年以外者發邊遠充軍一年以內杖一百
流二千里半年以內杖一百徒二年田地船隻房屋一律入官有
能自行首告將犯指擊到官者免罪田地船隻房屋並免入官首

而無獲者但准免罪田地船隻房屋仍行入官鄰佑地保知而不
首各杖一百有贓者計贓准枉法從重論

一吸食鴉片煙人犯在京各衙門以奉

旨之日為始各直省以奉到部文之日為始均子限一年六個月
限滿不知悔改無論官員軍民人等一概擬絞監候其在一年六
個月限內犯者仍分別辦理

一平民吸食鴉片煙在一年六個月限內犯案者照舊例加重杖

一百流二千里不能供出販賣之人加一等杖一百流二千五百

里

海陵從政錄

奎

一在官人役並官親幕友長隨人等一年六個月內吸食者照平
民加一等治罪

一職官買食鴉片煙原例加平民一等治罪今擬職官買食鴉片

煙在一年六個月內者仍加平民一等治罪均從重發往新疆地

方當苦差

一兵丁買食鴉片煙原例加平民一等治罪今擬在京各旗及各

省駐防綠營兵丁買食鴉片煙在一年六個月內者發近邊充軍

一開設煙館及栽種罌粟等花製煙售賣並與販鴉片煙首從各

犯除現擬死罪外其餘亦俟一年六個月後均擬絞監候

一 擊獲吸食鴉片煙人犯訊明雖經改悔戒絕但存有鴉片煙灰未經毀棄者向無專條均酌照不應重律杖八十今擬加二等杖

一百治罪

一 製造及販賣鴉片煙器具者照造賣賭具例分別治罪

一 同居子弟有買食鴉片者除本犯照例懲辦外將家長照不能禁約子弟爲竊之例治罪

一 職官吸食鴉片犯案在一年六個月以內發往新疆者永不敘用各該大臣等概不準因事保奏

一 向例緝私兵弁準帶官編字號鳥鎗遇有大夥鹽梟拒捕準令海陵從政錄

究

開放格殺勿論嗣後查擊鴉片遇有大夥聚眾持械拒敵官兵者亦準施放鳥鎗格殺勿論其拒捕之犯聚至三人以上執持器械殺人者爲首並殺人之犯俱擬斬立決傷人之犯斬監候若傷人未死首犯斬監候爲從下手如刃傷及折傷以上者擬絞監候傷非金刃又非折傷及在場助勢未曾傷人各犯俱發往新疆給官兵爲奴其聚眾持械未經拒捕之首犯無論與販次數及煙數多寡俱擬絞監候爲從發極邊煙瘴充軍

一 吸食已戒平民例得免罪而官民應分別辦理查吸食鴉片期於能戒而止平民已戒卽同無罪之人若現任官員爲民表率但

經吸食之人卽難更司查辦之責嗣後現任各員如有曾經吸食者該上司卽行揭發勒令休致

海陵從政錄

丰

嚴禁販米出境並酌定市價示

國以民爲本民以食爲天輿邑地處下河田有高低收有豐歉所產稻穀僅敷本地民食茲訪聞米價近日每石陡長至四五百文之多總由奸牙勾通殷戶囤積稻穀推貯廢棧擡價居奇並不照依市值發行糶米平賣甚至勾引外來客商私行躉販裝運出境滿此青黃不接小民買食維艱私販愈多則市價愈貴儲蓄愈空甚至捏造謠言詭傳水訊以爲擡價居奇之地致使人心惶惑民不聊生思之實堪痛恨除密訪查擊酌定市價外合行出示嚴禁爲此仰闔邑牙行人等知悉自不之後爾等殷戶務將稻穀照依海陵從政錄

圭

現定價值發行糶米平賣毋許推貯囤積高擡市價串同客商販運出境漁利病民儻敢故違一經察出定提嚴究斷不寬貸各宜稟遵毋違特示

改復陳公祠記

予因教民女紡織不得其處聞縣署外街南有鄉約所爲鄉約辦公之地予趨視之見有神像詢之知爲陳公宇祠也考縣志不載陳公爲何時人亦不詳其鄉實祇於名宦中得其人而無傳古者有功於民則祀之想此公必非無因而祀也第揆以有舉莫廢之義令鄉約辦事其中則可因鄉約而失陳公之名則不可遂易以匾額設織局焉俾邑之人知賢有司之名卽以勵後之凡爲有司者

海陵從政錄

圭